

〔續日本紀聖武〕天平九年七月乙未大赦天下詔曰比來緣有疫氣多發祈祭神祇獨未得可而今右大臣武藤原身體有勞寢膳不穩朕以惻憐可大赦天下救此病苦自天平九年七月二十二日昧爽以前大辟罪已下咸赦除之其犯八虐私鑄錢及強竊二盜常赦所不免者並不在赦限

〔續日本紀孝謙〕天平勝寶三年十月壬申詔曰頃者太上天皇武聖枕席不穩由是七ヶ日間屈請四十九賢僧於新藥師寺依續命之法設齋行之仰願聖體平復寶壽長久經云救濟受苦雜類衆生各免病

延年是以依教大赦天下但犯八虐故殺人私鑄錢強竊二盜常赦所不免者不在赦限

〔續日本紀淳仁〕天平寶字四年四月丁亥仁正皇太后遣使五大寺每寺施雜藥二櫃蜜缶一口以皇太后孝寢膳乖和也

〔上宮聖德法王帝說〕法興元世一年歲次辛巳十二月鬼前大后崩明年正月廿二日上宮法王枕病弗愈子食王后仍以勞疾並著於床略中

右法隆寺金堂坐釋迦佛光後銘文如件今私云是正面中臺佛云云

〔古京遺文〕藥師寺東塔標銘  
維清原宮馭宇天皇卽位八年庚辰之歲建子之月以中宮不念創此伽藍而鋪金未遂龍駕騰仙略中  
右刻在藥師寺東塔剎柱上隅東奈佐先生有標銘釋精核可喜按清原卽清御原當時文人厭冗長

刪御字者  
〔續日本紀孝謙〕天平勝寶四年正月己丑地動是日度僧九百五十人尼五十人為太上天皇武聖不念也

〔續日本紀光仁〕寶龜八年十二月壬寅皇太子武桓不念遣使奉幣於五畿內諸社

〔三代實錄陽成〕元慶元年八月己巳天皇聖體不豫十一日己卯延屈名僧於清涼殿始修法限七日訖以天皇聖體乖豫未就平善也